

Vorleb:

Astronomia / vnd in der ganzen Philosophey / in
welchen allen wie jetzt gemeldet Archimedes / Hes-
ton / auch andere ganz wolerfahre gewesen seindt /
vnd was die vnseren handwerk's leut in disen
vnnnd anderen erlernet haben von ihren meisteren /
das haben sie vñ ihre meyster von den Mathematicis
vnd Philosophis / welches zu beweisen nicht
von nöten / dieweil maniglichen dessen ein wissens
hat / dan die so zu vnserer zeitt Ohrenmacher seindt /
vnd genennet werden / seind der Lateinisch sprach
(will der Griechischen geschweygen) ganz vner-
faren / verstehn sich auch nichts in den Philosophicis
artibus, ettliche vnder jnen können schwerlich schreiz
ben vnd lesen / gib aber zu so sie in sprachen vñ frey-
en kunsten erfaren / das sie den Eltesten Ohren-
machern gleich zu achten wehren / aber auf disma-
len haben sie nichts anders / weder ettliche aufles-
gung der Astronomischen schrifften / so vil jnen zu
ihren handwerk notwendig / vnd ihre meyster
von den Mathematicis erlernet vñ ihnen als lehr-
jungen herinaher fürgeben haben / ohn einige Des-
monstration auf dem Ptolemeo , Euclide , I heone ,
Theodosio, vnd anderen genommen.

Wie dan die alten vor vnserer zeitt Ohrenmacher
solche stück erlernet haben von dem Georgio Peur-
bachio, Ioanne Monteregio, vñ anderen derselbigen
zeyt Mathematicis, also auch jetzunder vor kürzen
Jaren von dem Schonero, Apiano, Imsero, Homclio
vnd